

Yolg'iz qolmaysiz.
 Nega, nega bunday deyapsiz?
 Orada yana jimlik.
 Uyimizga yaqinlashdik.
 Qiz har galgidek uchrashuv onlari yakuniga yetganligini eslatdi.
 Gulasal, menga qarang...
 Qarshisidagi nozik vujudning lov-lov yonoqlariyu ma'yus ko'zlariga tikilib qolgan Jabbor tutila-tutila:
 Bir gap aytsam, maylimi? dedi yalingansimon ohangda.
 Mayli, Jabbor aka, mayli.
 Nima deb o'ylasangiz o'ylang. Gapning dangali, sizni sevaman. Agar...
 Yo'q! qiz tisarilib, boshini sarak-sarak qildi. Bu gaplarni qo'ying, sizga to'g'ri kelmayman.
 Rozi bo'l sangiz, sizga uylanmoqchiman...
 Nima?! Gulasal dovdirab qoldi. O'yalmay gapirmang, iltimos.
 O'y lab ko'r dim, Gulasal, siz mening baxtimsiz! Faqat birga tur mush qurishimizga ko'n sangiz bo'l gani...
 Axir, men, men...
 Nima men?
 Men, Gulasal uf tortgancha yuzini kaftlari orasiga oldi. Men nomi bulg'angan, betiga qora chaplangan badbaxtman...
 Unday demang. Ismingizni qarang: GULASAL.
 Gulasal! Qiz yig'lamoqdan o'zini tiyib, o'pkasi to'l gan holda boshini xam qildi. Ismimni qo'yishganda adashishganmi, deyman.
 Gulasal emish. Ertaxazon bo'l gan gul, og'uga aylangan asal kimga ham kerak?
 Unday demang, Siz gullarning sarasi, asalisisiz...
 Keyin-chi?!
 Keyin... Baxthi bo'l shingga haqlisiz.

* * *

Ota-onasi gapni bir joyga qo'yishgan shekilli, erta-indin shaharga jo'nashga hozirlik ko'rayotgan Jabborni o'rtaga olishdi.
 O'g'lim, keyingi paytda sani topib bo'l mayapti. Bi-ir gaplashib olishimiz kerak.
 Nimani?
 Ana xolos, nimani bo'lard, bittasi, o'zim aytishga uyalaman, otam indamasa dardimni kimga aytay, degan ekan. Sanam ichimdagini top deb yuraverasanmi?
 Tushuntiribroq gapiring, ota...
 Nimani tushunmaysan, bolaginam, ko'rpa qavib o'tir gan onaizor gapga aralashdi, Endi bolaliging qolmadi. Hademay o'qishni ham bitirasen. San tengilarning ko'pchiligi bola-chaqali ham bo'l shidi.
 Endi tushungandirsan, o'g'lim. Jabborga yuzlandi Rahmatilla mirob Kuchimiz borida boshingni ikkita qilib qo'yaqolaylik deymiz-da.
 Jabbor qizardi.
 Hali yoshman, dedi ovozi chiqar-chiqmas.
 Yosh emishlar, kesatdi Rahmatilla mirob. O'g'limiz xayol surishlaridan shahardan birorta kultirniysini topganga o'xshaydilar...
 Namuncha bolaginamni ezasizlar. Bodom momo nevarasining yonini olishga o'tdi. Nasib qilgani bo'ladi-da.
 Dasturxon atrofida to'planildi deguncha ahvol shu. Mavzu bitta: Jabborning boshini qovushtirish.
 Bugun ham kechki ovqat tanovul qilinlar-qilinmas otasi gapni aylantirib, tag'in Jabborni uylantrish mavzusiga ko'chdi.
 Endi nozlanmay aytarsan. Ko'z ostingda olib yurganing bormi yo o'zimizga ma'quliga non sindirib qo'yaqolaylikmi?
 Jabbor so'z aytishga botinolmaydi. Yer chizgancha jim.
 Og'zingga talqon solganmisan. Gapir. Bo'lmasa aytganimizga ko'nasan! Gapni ko'ndalang qo'ydi Rahmatilla mirob.
 Mayli, aytaman.
 Jabborning "tili chiqqanidan" quvongan ota-ona zimdan ko'z urshtirib olishdi.
 Xo'sh, kim ekan o'sha... nomzodB?
 Ota-onasining ko'zlaridan ko'zlarini olib ochib yerga boqqancha o'yga botgan Jabbor noiloj yorildi:
 Gulasal.
 Qaysi Gulasal?
 Kimning qizi ekan?
 Bor-ku, anovi, Momoxol kashtachining...
 O'rtada og'ir jimlik cho'kdi.
 Yana qaytar, qaysi Gulasal?! Rahmatilla mirob ko'zlar kosasidan chiqqudek bo'lib o'g'liga tikildi.
 Yo tovba! Momoxol kashtachining qizi?! ovozi qaltiragan onaizori ajablani b o'g'liga, bir eriga yuzlandi
 Astag'furulloh, de bolam, xasta ovozda pichirlagan Bodom momo battar mung'ayib qoldi.
 Rahmatilla mirob "shap" etkazib xontaxtani urdi-da, xotiniga yuzlandi:
 Ana san tarbiya bergen arzanda! U qulog'i bilan ham, bu qulog'i bilan ham eshitib qo'y sin, biz unaqa oti chiqqan qizni kelin qilolmaymiz.
 U o'rnidan dast turib so'ridan tushar ekan, munkib ketdi. Jabborning onasi yig'iga zo'r berdi:
 O'y lab gapirdingmi, bolam. Bunaqada bizlarni sharmisor qilasan-ku?!

Hovlida sukonat cho'kdi. Ko'ngilsizliklarni yashirmoqchi bo'l gandek qalin tun pardasi borliqni qoplay boshladi.

* * *

O'qishlar boshlandi. Yozda huvillab qolgan institut hududi ta'tildan qaytgan talaba yigit-qizlarning sho'x-shodon kulgilari, hazil-mutoyibalariga to'lidi.

Jabborga hech narsa tatimaydi. Gap-so'z larga hushi yo'q. Mashg'ulotlarga noilojdan, yoqar-yoqmas qatnaydi. Uning parishonxitirligi, qovog'i soliqligiga ilk marta duch kelgan kursdoshlari taajjubda. Yaqin jo'ralari xavotirda: "Oilasida

tinchlitmikin?! Biror kor-hol bo'ldimi yo tobi qochganmi?"B Savollar javob izlaydi. Aytarli gap topilmaydi...

* * *

Gap shamol tezligida qishloqqa yoyildi: Momoxol kashtachining katta qizi qochibdi!
 Qayoqqa qochibdi?! Kim bilan qochibdi?!

Hech kim anig'inи aytolmaydi.

Rahmatilla mirobning do'xtirlikka o'qiydigan o'g'li olib qochgan bo'lса kerag-ov... deydi kimdir shivirlab.
 Nega aynan o'shandan guman qilishayapti?

Shamol bo'lmasa daraxtning uchi qimirlamaydi. Yozda ikkovi gaplashib turganini ko'rghanlar bor.
 Elning og'ziga elak tutib bo'lmaydi. Mehmondorchilikda, sartaroshxonada, tegirmonda, choyxonada... Uch-to'rt kishi to'plandi deguncha shu gurung: "Gulasal qochibdi!".

* * *

Paxta terimidan har kuni vaqtliroq uyiga qaytishga odatlangan Gulasal bugun negadir hayalladi. Qorong'u aralash hovliga kirgan Rohila onasining yuzidagi xavotirni sezib:

Opam haliyam kelmadimi, hammadan oldin paxtasini topshirib uyg'a jo'nagandi-ku, deya xonalarni, bog' tarafni ko'zdan kechira boshladi. Hech qaerda yo'q.

Tobi qochmaganmidi, ishqilib. San qiz bundoq opam bor deb o'ylamaysanam. Birga borib, birga kelsanglar bo'lasmidi, deya ko'ylagi bari bilan ko'z yosolarini artdi Momoxol kashtachi.

"Ana kelar, mana kelar" deya ona-bola Gulasalni kuta-kuta tong ottirishdi. Rohila azonda qo'ni-qo'shnilarikiga, qarindoshlarnikiga chiqib keldi. Hech yerda qorasi ko'rinxaydi! Rohilaning darvozadan mung'ayib ko'zida yosh bilan kirib kelishi Momoxol kashtachining ichiga g'ulg'ula soldi. Bir joyda o'tirolmaydi. Olov ichida qolgandek jizz'anak bo'ladi. U ko'rpa-to'shak qilib yotib qoldi.

Peshonamga bu isnod ham yozilganmidi?! deya oq yuvib, oq taragan qizini, uni yo'ldan urganlarni qarg'agani-qarg'agan. Unday demang, egachi. Hozir sevgani bilan qochish ayb bo'lmay qoldi. Hali yarashib ham olasizlar. Tovba deng-da, qizingizga baxt tilang, deya Momoxol kashtachini yupatishadi ba'zi bir ko'ngilchan ayollar.

Momoxol kashtachining Gulasalga tog'a bo'l mish aka-ukalari g'azabga to'lishdi. Nailoj! Osmon yiroq, yer qattiq. Shaytonga hay berishdi. Ichdagi gapni tilga chiqarishmadi. Jigarlarini ayashdi.

* * *

Va'dalashib, gapni bir joyga qo'yan Jabbor Gulasalni kuttirib qo'yadi. Kelishilgan vaqtida qishloq chetidagi keksalarining aytishicha bir paytlari tegirmon bo'lган nuray-nuray deb turgan chor devor yonida uchrashishdi. Reja naqadar qaltis ekanligini his etishsa-da, shundan bo'lak o'zga chora ikki yoshni birlashtira olmasligidan hayiqishardi. Bundan boshqa imkon izlash kaftingga qo'nay-qo'nay deb turgan baxt qushini uchirib yuborish va umrbod unga duch kelmaslikdan boshqa narsa emas...
 Jabbor kira qilgan yengil mashina o'ydim-chuqur yo'llardan chiqib olgach, keng asfalKjtda shamoldek yeldi.

* * *

Kelganimizga ham bir haftadan oshdi. Endi ishga chiqsam...
 Meni hech narsaga aqli yetmaydi, deb o'ylaysizmi? Sizni o'qiydi desam o'qishga bormayapsiz, tag'in ishga chiqsam deysiz, Jabborning gapini bo'ldi Gulasal.

Juftining soddaligidan Jabborning kulgisi qistadi.
 Hozir amaliyotdamiz. Viloyat kasalxonasida tajriba oshirayapmiz. Ustozdan bir haftaga ruxsat olgan edim.
 Shunday demaysizmi? O'qimagan bo'lsmam, qayoqdanam tushunaman.
 Uyqu aralash ko'zlarini arang ochgan Jabbor erinibgina o'rnidan turdi. Yuvinib olgach shosha-pisha nonushta qilishga ulgurdi-da, hovliga chiqib xonardon bekasi, ko'rinishidan oltmishlardan oshgan, shohi ro'moli o'ziga yarashib turgan, istarasi issiq onaxonni boshlab xonasiga boshladi.
 Xolajon, endi keliningizga ko'z-qulqoq bo'lib turasiz. Tag'in qochib ketmasin, deya gapni hazilga burdi Jabbor.
 Mayli, o'g'lim, o'qishdan qolma. Kelnim bilan chaqchaqlashib o'tiramiz. Qorong'uda qolib yurma, ertaroq kel, kuttirib qo'yma. Xo'p, yaxshi qolinglar.
 Jabbor ostona hatladi.
 Ular ijara turadigan bolaxonali hovli tor bo'lса-da, qandaydir fayzli, hammayoq orasta. Darvozadan kiraverishdag'i o'ng tomondagi keng xona ularga berilgan.
 "Shaharliklarga mazza,, Chiroq o'chmasa, gaz balonni o'ylashmasa, ichimlik suvini aytmasa ham bo'ladi" o'yadi ichida Gulasal. Xolajon, biror yumush bo'lса tortinmasdan aytavering.
 Voy kelinjon-ey, bu yerda nima ham ish bo'lardi. Jabborjon keladigan paytda ovqatga unnamasak boshqa qiladigan yumushimiz yo'q hisobi.
 Gulasal Jabbor uyda bo'l magan paytlarda xonalarni, hovlini tartibga keltiradi-da, xola bilan suhbatlashishga o'tiradi. Bu farishtadekkina onaxonning ichi to'la gap.

* * *

Kichik chilla ortda qolgan bo'lса-da, kuyov-kelin xavotirda.
 Shu ishimiz to'grimi, Jabbor aka?
 Meni ham shu savol qiyaydi, Gulasalning so'zini kesdi Jabbor, o'ylab o'yimga yetolmayman. Bundan boshqa choramiz yo'q edi-da. Endi bu gaplarni qo'ying. Hammagini xayoldan chiqaraylik. Yaqinda qishloqqa boramiz. Ota-onamizdan uzr so'raymiz. Ularga tushuntiramiz, ko'ndiramiz.
 Odamlarning gap-so'zlari-chi?
 Ularga parvo qilmang. Buni qismat deydilar...

This is not registered version of TotalDocConverter

Sardor, Jabbor do'x... tiring zur... riyodisan. Adashma... ota-onangning nikohini o'zim o'qiganman.

Bemorning ko'zлari shiftga qadaldi.

Mendan rozi bo'linglar!

Xonada piq-piq yig'i ovozi eshitila boshladi. Kimdir Sardor polvonni yelkasidan mahkam quchdi. Qarasa Hoshim. U Sardor polvonning ko'ziga tik qaray olmasa-da, labi-labiga tegmay bidirlardi:

Meni... meni kechi-iring. Ahmoq ekanman. Kecha jahl ustida... Men noshud, bobojonim o'qigan nikohga loy chaplabman-a!

Sardor polvon Hoshimni o'zidan nari siltadi va eshikka yuzlandi. O'pkasi to'lib ketdi. Shu lahzada ilk daf'a ota-onasini Jabbor do'xtir bilan onasini qo'msadi. Ularni juda-juda sog'inib ketdi...